



DESET GODINA RADA I POSTOJANJA FONDACIJE HASTOR

1393/331/74.694

U 2016. godini Fondacija Hastor obilježava desetu godišnjicu postojanja i djelovanja. Za deset godina rada podržali smo obrazovanje preko 2000 mladih osoba i ostvarili saradnju sa preko 150 osnovnih i srednjih škola, a na pragu 10. godišnjice rada naše Fondacije, od početnih 304, dostigli smo brojku od gotovo 1400 stipendista. Pružiti šansu mladima da svojim uspješnim školovanjem kao i volonterskim radom učestvuju u razvijanju lokalnih zajednica i vlastitih resursa osnovna je ideja Fondacije Hastor. Naš cilj jeste da kroz djelovanje stvorimo nove lidera i jaču Bosnu i Hercegovinu.

Fondacija Hastor tokom desetogodišnjeg rada bilježi mnogobrojne uspjehe, a svakako najveći uspjesi Fondacije su uspjesi njenih stipendista. Sa ponosom kažemo da u svojim redovima imamo najbolje matematičare, inovatore, književnike, umjetnike i muzičare.

Činjenicu da je misija Fondacije Hastor usvojena od strane naših stipendista dokazuju i brojne humanitarne akcije naših stipendista. Zaista, naši stipendisti po uzoru na misiju i djelovanje Fondacije Hastor promoviraju osnovne ljudske vrijednosti i unapređuju svoje zajednice na najbolji mogući način.

Fondacija Hastor je u maju 2015. godine, u suradnji sa ASA Prevent grupacijom, uslijed poplava koje su zadesile mnoga područja Bosne i Hercegovine, osnovala fond "Srcem za BiH" čime je postala direktni aktivan akter kao dio sistemski organizovane pomoći poplavama ugroženim područjima. U ovoj akciji učestvovali su i mnogi stipendisti Fondacije Hastor kao volonteri na ugroženim područjima. Zajedničkim djelovanjem, Fond Srcem za BiH ublažio je posljedice poplava, te osigurao održivi oporavak u područjima zahvaćenim poplavama i klizištima.

Nakon skoro 10. godina rada i djelovanja, Fondacija Hastor ima priliku da vidi uspješne mlade ljude, bivše stipendiste Fondacije Hastor u ulogama asistenata na univerzitetima, HR managera, IT stručnjaka, inspektora, mladih predavača, profesora, doktora itd. Svi bivši stipendisti su neizmerno zahvalni Fondaciji Hastor i ističu da ne bi uspjeli bez pomoći Fondacije Hastor. Neki od njih su se pridružili krugu donatora Fondacije Hastor i na taj način pomažu

svojim kolegama kojima treba podrška, kao što je nekada trebala njima. Svi naši uspjesi i pobjede ne bi bili mogući bez konstantne podrške ljudi koji su prepoznali vrijednost upravo ovakvog načina rada koji naše društvo vodi ka boljem sutra.

PROJEKTI

Fondacija Hastor je od 2006. godine uspješno realizovala mnogo projekata, neki od njih su: Takt akademija, "Ljetni rapust u Holandiji", Srcem za BiH, Prilika Plus, Brave Kids i mnogi drugi. Detaljne informacije o ovim projektima mogu se naći na web stranici Fondacije Hastor.

Fondacija Hastor afirmiše mlade i talentovane ambasadore Bosne i Hercegovine i pomaže im na putu ka ostvarenju snova. Pored stipendiranja, koje je osnova postojanja Fondacije Hastor, podržavamo projekte od značaja za cijelo društvo. Posebno nam je važno olakšati tranziciju mladih ljudi, tek svršenih diplomanata i magistranata, na buduća radna mjesta. U budućnosti ćemo se fokusirati na jačanje veza između obrazovnog i privrednog sektora, stvarajući nove mogućnosti za mlaude u BiH. Želimo jačati kompletno društvo stvaranjem boljih uslova za mlaude i zato smo ponosni da se broj naših projekata svake godine povećava.

„Naše aktivnosti idu u smjeru stvaranja prilika za mlaude ljude u toku i nakon njihovog školovanja. Te prilike se odnose na usvajanje novih znanja i vještina kroz obuke, nakon čega postaju značajno konkurentniji na tržištu rada. Fondacija će nastaviti da raste, kako brojem stipendista, tako i brojem inicijativa čiji je cilj da se osnaži korpus mladih ljudi željnih znanja i profesionalnog uspjeha.“, ističe Seid Fijuljanin, direktor Fondacije Hastor.

PLANOVNI ZA BUDUĆNOST

Uspješnim djelovanjem, Fondacija Hastor nastoji proširiti svoje aktivnosti i na druge vidove pomoći mladima odnosno obrazovnim ustanovama sa područja koja su ekonomski najnerazvijenija u Bosni i Hercegovini. U budućnosti, Fondacija Hastor će nastojati razvijati poduzetnički duh kod mladih sa ciljem aktiviranja njihovih kreativnih potencijala i finansijskom pomoći motivirati ih na realizaciju ideja i zadatih ciljeva, a sve kako bi mogli doprinijeti pozitivnim promjenama u bh društvu.

U cilju obilježavanja desete godišnjice najavljujemo niz događaja u vidu likovnih izložbi, koncerata u izvedbi naših stipendista, tematskih okruglih stolova, svečane akademije te još mnogo zanimljivih sadržaja o kojima će biti više riječi u narednim izdanjima našeg biltena.

STIPENDISTICA FONDACIJE HASTOR NAJBOLJA MATEMATIČARKA EVROPE!

U sjedište Fondacije Hastor prethodnih dana stigla je vijest koju svi posebno volimo da čujemo - vijest o uspjehu naših stipendista. Ovoga puta vijesti stižu od naše stipendistice Adise Bolić koja je na Evropskom matematičkom kupu osvojila zlatnu medalju. Zaista, naši stipendisti su talentovani i vrijedni mlađi ljudi koji iznova dokazuju da je obrazovanje izbor pobjednika i time potvrđuju moto i misiju Fondacije Hastor.

Adisa Bolić iz Bosanskog Petrovca učenica je trećeg razreda Tursko-bosanskog Sarajevo koledža. Kaže da matematika za nju nikada nije bila puko računanje, i kako, posmatrajući sa druge tačke gledišta, uvijek u njoj možemo pronaći jednu vrstu umjetnosti. Pored stalnog rada i vježbanja zadataka, svoje slobodno vrijeme voli da provodi sa porodicom, prijateljima i uz dobru košarku, koja joj je pored matematike, najveća ljubav.

Fondacija Hastor, njen rad i trud prati još od 2008. godine i s ponosom možemo reći da je Adisa jedan od onih stipendista koji donose kontinuirane rezultate. Istiće da joj volontiranje, pored obaveza sa strane, predstavlja veliki odmor, sklapanje novih prijateljstava, te druženje sa već poznatim ljudima. Neki od vrlo značajnih uspjeha jesu i prvo mjesto na federalnom i kantonalmu takmičenju, četvrto mjesto na državnom te bronza na Balkanskom matematičkom kupu.



Za sve postignute rezultate zahvalna je Fondaciji koja joj pored finansijske pomoći, pruža i stalnu podršku ka boljem. Nakon završenog koledža, životna želja joj je da nastavi studirati matematiku, te da jednog dana postane poznati naučnik. Nadamo se da će Adisa i dalje postizati samo najbolje rezultate, a mi joj želimo puno sreće u daljem radu, školovanju i narednim takmičenjima.

H. Mujkić

REDAKCIJA FONDACIJE HASTOR U POSJETI STIPENDISTIMA KOJI VOLONTIRAJU NA TERENU

U decembru su članice Redakcije Fondacije Hastor, Hanka Mujkić i Sadžida Kosovac, obavile prvu terensku posjetu. Tom prilikom posjetile su naše stipendiste Murga Mirzu i Bašić Adnu koji sa najmlađim stipendistima volontiraju u OŠ Zahid Baručija u Vogošći.

Nedjeljno jutro, umjestu u krevetu, nadoknađujući neprespavane noći zbog spremanja ispita, provele smo u Vogošći sa volonterima Fondacije Hastor i nismo se pokajale. Iako je bilo hladno i maglovito, toliko da su ptice pješke hodale, nas dvije smo se probijale kroz maglu i cvokotale od zime, dok smo hodale do Osnovne škole Zahid Baručija. Ozarili smo se vidjevši najmlađe stipendiste Fondacije Hastor kako sjede u klupama i očekuju naš dolazak. Adna Bašić, mentorica djevojčicama i dječacima iz Vogošće je pomagala jednoj učenici sa engleskim jezikom, a Mirza Murga je svoje učenike iz Srednjeg ispitivao o školi, ocjenama,

te kako su im protekli testovi i pričao s njima o novostima. Ostale smo zatečene djecom iz Srednjeg koja usprkos snijegu, velikoj udaljenosti i nedostatku prijevoza uspjevaju redovno da dolaze na sastanke u Vogošću. Obradovali smo se što su ta djeca uporna i odgovorna, mada nam je u isto vrijeme i žao što im je ta obaveza dosta otežana zbog njihove situacije. Svi učenici su nas oduševili svojim bistrim glavicama i njihovom kreativnošću, koju su nam pokazali tog dana praveći novogodišnje čestitke. Dječak Abdulah je donio mnogo materijala, a došao je i sa nekoliko



ideja. Ni drugi nisu zaostajali za njim, već su se brzo prihvatali posla i za nekoliko sati smo mogli vidjeti kreativne čestitke, sa lijepim porukama. Sumorno nedjeljno jutro, koje kao da je samo za ljenčerenje su zaista pretvorili u lijepo i toplo, ispunjeno maštovitošću. Upoznale smo druge stipendiste, a i nas dvije smo se međusobno bolje upoznale, što i daje čar Fondaciji Hastor koja nas sve toliko povezuje.

UPOZNAJTE NOVE STIPENDISTE FONDACIJE HASTOR!

Fondacija Hastor je proteklog mjeseca dodijelila 15 dodatnih studentskih stipendija. Među stotinama aplikanata odabранo je 15 najboljih i najuspješnijih studenata koji su se pridružili porodici Fondacije Hastor. Njihove priče su inspirirajuće, a njihovi uspjesi fascinantni. U nastavku vam donosimo njihove profile.

RAZIM MEDINIĆ


(Filozofski fakultet, Tuzla)

"Fondacija Hastor je, prije svega, u meni prepoznaла jednu "toplу i vedru" osobu, velikog optimistu i zaljubljenika u posao koјim se u budućnosti planira baviti. Jedna osoba, da bi postala stipendista Fondacije Hastor, mora biti uspiješan učenik/student, pristupačan, spremjan za pomognu drugima, optimističan i istrajan u svojim naumima. Mnogo mi znači podrška Fondacije Hastor. Ukazala mi je svoje povjerenje. Osjećam veliko zadovoljstvo i potrebu da opravdam "ulaznicu" u zajednicu mladih i uspješnih ljudi. Zajednicu Fondacije Hastor."

Razim je rođenu Oberviechtach-u u Njemačkoj. Srednju Arhitektonsko-tehničku školu završio je u Brčkom, nakon čega upisuje Filozofski fakultet na Univerzitetu u Tuzli. Student je druge godine na Odsjeku za bosanski jezik i književnost.

"Studij bosanskoga jezika i književnosti sam upisao zato što sam oduvijek gajio ljubav prema književnosti. Drugi razlog odabira ovoga studijskoga programa jeste taj što me ispunjuje rad, druženje i komunikacija s mlađim ljudima, a upravo to je ono što mi ovaj poziv pruža."

U slobodno vrijeme čita knjige, piše poeziju i kratku prozu, a istovremeno se trudi što više slobodnog vremena provesti s porodicom. Istiće da su kontinuiran rad i trud ključni na putu ka uspjehu; zatim upornost, optimizam i jedna mala, ali potrebna, doza sreće.



RIJAD MUMINOVIC

(Elektrotehnički fakultet, Sarajevo)

"Stipendista Fondacije Hastor treba da posjeduјe visok nivo posvećenosti obrazovanju i naravno nivo odgovornosti prema svojim obavezama. Podrška Fondacije Hastor mi mnogo znači, ne samo što će mi pomoći pri studiranju i mojim hobijima, već što će mi upoznati mnoga ljudi iz raznih struka i dijelova BiH, te imam osjećaj da postoji organizacija kojoj se mogu obratiti sa svojim projektima, koja brine za svoje stipendiste."

Rijad Muminović, Drugu gimnaziju završio je u Sarajevu, nakon čega upisuje Elektrotehnički fakultet. Trenutno je druga godina na Odsjeku za automatiku i elektroniku.

"Već od osnovne škole sam imao veliko interesovanje za računarima, te za fundamentalnim principima na kojima se oni zasnivaju, te sam srednju školu provodio kroz takmičenja iz informatike i matematike, tako da je moj izbor fakulteta u BiH bio jednoznačan."

Tokom osnovnog i srednjoškolskog obrazovanja bilježi brojne uspjehe na polju tehničkog obrazovanja, fizike, matematike i informatike. Najveći uspjesi koje bilježi su: srebrna medalja na Juniorskoj balkanskoj matematičkoj olimpijadi 2011., bronzana te srebrna medalja na Balkanskoj informatičkoj olimpijadi redom 2013. i 2014. godine, te učešće na Internacionalnoj olimpijadi iz informatike 2013. i 2014. godine i počasna pohvala na Internacionalnoj olimpijadi iz matematike održanoj 2014. godine. U slobodno vrijeme bavi se programiranjem, uglavnom takmičarskim, te proučavanjem tehnoloških napredaka i novosti u računarskoj i softwareskoj industriji. Pored toga, bavi se programiranjem i sklapanjem malih projekata sa mikrokontrolerima i namjerava da napreduje na tom polju. Od završetka srednje škole uključen je u rad udruženja BHOI, koje organizuje takmičenja i kampove za programiranje, te ga promoviše na nivou BiH i vodi učenike/takmičare na internacionalna takmičenja. Da biste bili uspješni Rijad poručuje da radite ono što volite i u čemu se pronalazite, jer u tom slučaju vam neće biti teško posvetiti sate slobodnog vremena kako biste se usavršili u oblasti koju ste s ljubavlju odabrali.



NOVI PRIJATELJI FONDACIJE HASTOR

Izuzetno nam je dragو što je potencijal Fondacije Hastor prepoznaла i kompanija SARAJ INŽENJERING i odlučila nam se pridružiti u osnaživanju mladih na njihovom putu ka uspjehu!

DŽEMO SELIMOVIĆ

(Akademija likovnih umjetnosti, Sarajevo)

"Puno mi znači podrška Fondacije Hastor. Pored materijalnog značaja za podmirivanje studentskih troškova, također, mi nudi potrebno iskustvo za formiranje ličnosti, zdravo okruženje i druženje s mladim uspješnim ljudima. Da bi ste bili kvalitetan stipendista za Fondaciju Hastor, pored što trebate ispunjavati norme poput školskog uspjeha, trebate biti otvorenog uma, spremni prihvati zadatu odgovornost, imati želju za ponuđenim uspjehom, posjedovati jednu vrstu zrelosti i sve te atribute iskoristiti za svoje i tuđe dobro. Ja mislim da je Fondacija možda prepozna te osobine u meni i procjenila da mogu to izraziti kroz svoje volontiranje."

Džemo Selimović završio je Prvu bošnjačku gimnaziju u Sarajevu. Student je druge godine Akademije likovnih umjetnosti u Sarajevu na Odsjeku za grafiku. "Odlučio sam se za ovaj fakultet iz razloga što gajim ogromnu ljubav prema umjetnosti kao jednom plemenitom činu izražavanja ljudskih emocija. Velika želja prema saznanju akademskih umjetnika i njihovih vještina, to je drugi glavni razlog što sam odabrao ovu obrazovnu ustanovu. Težim ka vrlini starih majstora, vladanjem linije, forme i prostora i tehnikе štampanja." Tijekom školovanja učestvovao je na raznim takmičenjima iz predmeta likovne umjetnosti, izdao je dva stripa u časopisu „Glasnik Manitua“, radi portrete po narudžbama, a trenutno radi i na novom stripu koji treba da izade pod pokroviteljstvom izdavačke kuće Agarthis. U slobodno vrijeme rekreativno se bavi plivanjem, piše scenarije, priče i basne. Veliki je zaljubljenik Robert Ervin Howard-ovih novela. Da biste bili uspješni, ističe da je najbitnije biti dobar čovjek, imati dobre i poštene namjere. Dobar plan i program te organizacija vlastitih obaveza su, također, ključni na putu uspjehu.



EMRA KULO

(Fakultet političkih nauka, Sarajevo)

"Pored ostvarenog uspjeha i društvenog angažmana kao dvije stavke koje Fondacija najviše vrednuje, mislim da je bila presudna i moja spremnost da odgovorno pristupim rješavanju povjerenih zadataka, nemam strah od nepoznatog, uživam u radu s djecom i radujem se što će imati priliku da ih potičem u otkrivanju i razvijanju njihovih potencijala. Podrška Fondacije Hastor, kako finansijska tako i moralna, je veliki vjetar u leđa i dokaz da je naš dosadašnji trud prepoznat i dovoljno vrijedan da bi bio nagrađen. Stavili ste osmijeh na lica mojih roditelja i dal nam nadu u svijetu budućnost. Neizmjerno vam hvala na tome."

Emra je studentica druge godine Fakulteta političkih nauka u Sarajevu na Odsjeku za socijalni rad. Trenutno je jedan od najboljih studenata svoje generacije. "Prilikom odlučivanja o izboru fakulteta, najviše sam se fokusirala na budućnost. Gdje se vidim za, recimo, 10 godina? Odgovor je bio: okruženu djecom. Kako škole danas nažalost sve više gube karakter odgojnih institucija, rad u prosvjeti me nije privlačio. Nisam bila vođena ni materijalnim ciljevima nego željom da se u budućnosti bavim poslom koji me ispunjava i koji uključuje rad sa djecom. Zato sam izabrala studij socijalnog rada kao jednog od najhumanijih poziva koji pruža širok dijapozon usluga vulnerabilnim kategorijama." Volonter je Crvenog Križa Novo Sarajevo. Hobi joj je pisanje poezije. Poručuje da su samopouzdanje, motivacija, ambicioznost i kreativnost u kombinaciji sa obrazovanjem i spremnošću na cijeloživotno učenje glavni sastojci recepta za uspjeh. Sporedni sastojak je sreća. Biti stipendista Fondacije Hastor, ima li veće sreće?



BERINA BARAKOVIĆ

(Filozofski fakultet, Tuzla)

"Stipendista Fondacije Hastor treba biti vrijedan student, koji konstantno radi i pokazuje odlične rezultate na polju edukacije, ali i u ostalim aktivnostima. To je osoba koja ima visoka moralna načela i usađenu brigu za druge, jer svaki stipendista je primjer u svojoj zajednici i radi na razvijanju sebe i svoje okoline. Postala sam stipendista Fondacije Hastor zato što su upravo oni u meni prepoznali ove kvalitete. Fondacija Hastor pružila mi je mnogo, pored one novčane podrške dobila sam puno više, dobila sam priliku da učim od svojih kolega, da širim svoja prijateljstva širom cijele Bosne i Hercegovine i da pomažem novim naraštajima snagom uma, baš onako kako bi i trebala da radi jedna uspješna osoba, da uči i podučava."

Berina Baraković, studentica je druge godine Filozofskog fakulteta u Tuzli, Odsjek pedagogija-psihologija.

"Ovaj fakultet sam odabrala zbog svoje velike ljubavi prema djeci, ali i prema proučavanju ljudi i njihovog ponašanja. Tijekom školovanja u medicinskoj školi shvatila sam šta želim da radim u svojoj budućnosti, a to je posao dječjeg psihologa. Oduvijek sam željela raditi sa djecom, tako da je Filozofski fakultet u Tuzli sa ovim Odsjekom pružio sve ono u čemu se pronalazim." Tijekom školovanja učestvovala je na mnogobrojnim takmičenjima i ostvarila zapažene rezultate na polju literarnog stvaralaštva. Trenutno radi na istraživačkom projektu. Slobodno vrijeme nastoji iskoristiti što korisnije i kreativnije pa tako pravi dekupaž kutije u čemu, kako ističe, pronalazi veliki smiraj. Voli igrati šah i biljari. Njen ključ za uspjeh su ljubav i podrška koju joj pruža porodica, ali i izuzetno dobro profesori na njenom Univerzitetu koji nastoje prenijeti svoje znanje na najstručniji mogući način.





/ UČITELJEV KUTAK

DECEMBAR 2015. / JANUAR 2016.

U Stocu za 19.12.2015 godine zakazali studenti stipendisti Fondacije Hastor njih 8, jedan učenik osnovne škole i 6 učenika srednje škole druženje u Prvoj osnovnoj školi od 9 do 14 sati. Kratko prije 9 sati parkiram auto ispred Prve osnovne škole i čekam. U 9 sati u blizini mojih kola počeše stizati i studenti i đaci stipendisti Fondacije Hastor. Kad svi stigoše krenuše u školu. Pridružih im se i ja. Uđosmo u jednu učionicu. Objasniše mi da im je direktor škole odobrio učionicu do 12 sati, a da se poslije moraju snaći za prostor pa su se odlučili za slastičarnu Orion. Objasnjavaju mi kako su zamislili današnje druženje. Zaključih da su vrlo ozbiljno shvatili svoje uloge u ovom druženju, pa ih ostavih da to i ostvare.

Od 13 sati, 26.12.2015. u zgradi Mjesne zajednice Brka zakazale druženje Kovačević Emina i Fazlović Emina sa 13 učenika srednjih škola i Džajić Amila i Jukić Irma sa 7 učenika osnovnih škola. Ulazeći u Brku primijetih štand pored ceste i prepoznah naše stipendiste. Husein Ališić dijeli kalendare i sokove, volontira. Ulazim u zgradu MZ Brka, a tamo Fazlović Emina dijeli novogodišnje paketiće i ona volontira za Volontersko udruženje Dar prirode. Porazgovarah sa predsjednikom MZ Brka o prostoru za volontiranje stipendista Fondacije Hastor, a on odgovori „Samo neka me podsjete dan ranije pa ču im ja dati ključ i neka se druže. Ma to su naša djeca, bolje nego da vrljaju po ulici, kafićima i slično izmišljaju i prave kojekakve gluposti“. U drugoj zgradi nađoh Kovačević Eminu sa srednjoškolcima. Došli sa puno materijala kao očigledna sredstva kako bi im današnje druženje bilo interesantnije. Navratih i kod Džajić Amile i ona se lijepo pripremila da sa osnovcima proveđe pet sati. Za Irmu Jukić mi reče da joj je javila da je bolesna i da danas neće dolaziti. Prozvah je i poželjeh joj brzo ozdravljenje. Sa prisutnim osnovcima malo porazgovarah pa se uputih dalje.

Thaqi Fatima i Džindo Anes zakazali druženje sa 2 učenice osnovne škole u Dobroševićima 27.12.2015., od 11 do 16 sati. Kratko prije 11 sati stižem pred školu. Sačekah 11 sati pa



telefonom prozvah i Fatimu i Anesa. Rekoše mi da su im učenice rekle da danas ne mogu doći. Prigovorih im što me nisu izvijestili pa da ni ja ne dolazim u Dobroševići.

Halilović Dženita i Selimović Džemo zakazali volontiranje u prostorijama Fondacije 27.12.2015 od 9 do 13 sati. U prostoriji zatekoh Dženitu sa učenicima, a Džemo ostavio urneke crteža i otisao na fakultet. Dženita mi objasni da su ovi crteži vrlo interesantni djeci i da oni sad razgovaraju o likovnoj umjetnosti.


Odlučih se da 3.1.2016. godine u 9 sati budem pred Kino teatar u Busovači, gdje su od 9 do 14 sati zakazali druženje Komarac Amna, Buljina Segmedina, Hodžić Ermin i Biogradilja Lejla sa 18 osnovaca i 19 srednjoškolaca. U 8 sati vozeći se autoputom brisači teško uspijevaju da skinu krupne pahuljice snijega koje se prosto lijepe na prednje staklo auta, ali ja ipak uspjeh da na vrijeme stignem u Busovaču. Tamo me prijatno iznenadiše stipendisti koji su i sa udaljenosti od deset i više kilometara stigli na vrijeme. Iz razgovora sa studentima saznadoh da su svi zadovoljni sa svojom situacijom na fakultetu i da ih ovo druženje ispunjava sa posebnom motivacijom da uče ali i volontiraju. Rekoše mi da im učenici redovno dolaze i da su većinom odlični učenici u školi. Ostavih ih da se druže a ja se uputih dalje snijegom prekrivenom cestom. Terzić Senad i Ćerimić Senada u Studentskom centru u Zenici zakazali druženje 10.1.2016. sa 15 srednjoškolaca, od 8 do 13 sati. U 8 sati u toploj učionici Senad i Senada i učenici stipendisti Fondacije Hastor druže se. Senad mi objasni da im je direktor Studentskog doma odobrio ovaj prostor uz napomenu da ga uvijek ostave čistog i da paze na inventar. Svidje mi se

to što su ljudi prepoznali vrijednost Fondacije Hastor i volonterskih sati stipendista. Senada mi objasni šta će danas raditi i kako je ona to zamislila. Svidje mi se to što su pripremili, pa uz nekoliko sugestija ostavih ih da to i ostvare. Goletić Dženita i Sadiki Roki u Živinicama u prostoriji Mjesne zajednice „Centar“ zakazali volontiranje 13.1.2016. od 9 do 14 sati. U 9 sati ispred zgrade Općine u Živinicama prozivam telefonom Rokiju, a on mi reče da su upravo ušli u prostor. Zamolih ga da dođe po mene da ne lutam. Ulazimo u jednu malu prostoriju gdje ima sto i dvadesetak stolica. U toj prostoriji već bijaše Dženita sa učenicima. Dženita mi objasni da se obratila načelniku Općine u ime stipendista Fondacije Hastor i odobrili su im ovaj prostor. I Roki i Dženita mi se pohvališe da su ove akademske godine veoma zadovoljni sa dosad postignutim rezultatima na fakultetu. Razgovaram sa učenicima o uspjehu i većina mi reče da su sad prošli vrlodobrim uspjehom, ali da će u drugom polugodištu više učiti kako bi postigli odličan uspjeh. Predložih im da iskoriste znanje svojih mentora kako bi lakše ostvarili cilj postigli znanje i dobili petice. Vraćajući se kolima razmišljam, u Stocu direktor osnovne škole, u Brki predsjednik Mjesne zajednice, u Zenici direktor Studentskog doma, u Živinicama načelnik Općine, svi su izašli u susret stipendistima Fondacije Hastor ustupivši prostor da se mogu družiti u ovim hladnim zimskim danima. Samo u ovim prostorijama boraviti će 16 studenata, 21 osnovac i 44 srednjoškolca koji neće lutati ulicama, pušiti, piti, drogirati se ili vršiti različita nasilja, nego će sticati znanja kako bi bili korisni sebi, svojoj porodici i društvenoj zajednici.


Ramo Hastor



/ OBJEKTIV



Emina Bilajac



IMRANA HOROZOVIĆ

Zbog svog zalaganja i posvećenosti radu Fondacije Hastor, Imrana Horozović, studentica druge godine Prirodno-matematičkog fakulteta u Sarajevu je izabrana za stipendistku mjeseca.

Imrana je 2014. godine završila Srednju tehničku školu u Bugojnu gdje je stekla zvanje ekonomskog tehničara. Iz te škole, osim što je ponijela dobro znanje i navike, ponijela je i titulu učenice generacije. Po završetku svog srednjoškolskog obrazovanja upisuje Prirodno-matematički fakultet u Sarajevu gdje studira na Odsjeku za matematiku, smjer Teorijska kompjuterska nauka.

Imrana svoje slobodno vrijeme koristi da se posveti programiranju i web-dizajnu. Ona ističe kako time može iskazati sve svoje ideje i kreativnost i na taj način pobjeći od svakodnevnice. Imrana je svoje dizajnerske sposobnosti pokazala dizajnirajući nekoliko

biltena, kao i zahvalnica za Fondaciju Hastor. Jedna od želja joj je da se po završetku studija nastavi baviti web dizajnom u nekoj od IT kompanija.

Stipendistica Fondacije Hastor je četiri godine. Podršku Fondacije je dobila tokom srednjoškolskog obrazovanja i upravo zahvaljujući Fondaciji nastavila svoje školovanje, kako bi sutra i ona bila u mogućnosti pomoći nekom kome je pomoći potrebna.

U Fondaciji sam stekla dodatni motiv za uspjeh i rad. Budući da sam jedan od članova administracije, Fondacija me u tom pogledu naučila da budem još odgovornija ličnost



u obavljanju kako administrativnih, tako i svakodnevnih životnih poslova. Pored finansijske podrške u mom školovanju, neizostavna i neprocjenjiva vrijednost Fondacije su stečena iskustva i poznanstva širom BiH.

S. Kosovac

PISMO MJESECA

Poštovani,

zovem se Lana Parežanin i vaš sam stipendista od prošle godine. Vaša pomoći i podrška su mi veoma značajni. Omogućili ste mi da lakše prelazim preko prepreka koje nameće život i veoma sam vam zahvalna. Odličan sam učenik trebinjske gimnazije i nedavno sam primljena u istraživačku stanicu Petnica, gdje ću provesti sedam dana na proljetnom raspustu, a nadam se i ponovnom odlasku na ljeto. Počela sam da pišem svoj prvi roman i želja mi je da vas obradujem njegovim prvim primjerkom. Nadam se da ćete nastaviti da me podržavate i u sljedećoj školskoj godini.

Puno pozdrava Fondacija Hastor.

Lana Parežanin, Trebinje.

IMPRESUM